

**UGOVOR
ZA NABAVKU NAMJEŠTAJA RADI OPREMANJA
PROSTORIJA PRODUŽENOG BORAVKA**

Zaključen dana 16.05.2018. godine, između

1. INTERLIGNUM d.o.o. Teslić sa sjedištem u ulici Kninska 21, 74 270 Teslić koju zastupa direktor Igor Šimunović, ID broj: 40008241000(u daljem tekstu Prodavac)

i

2. JU „ŠESTA OSNOVNA ŠKOLA“ ILIDŽA-STUP sa sjedištem u Ilidži- Stup, ul. Bare kod Stupa 63 koju zastupa direktor Teufik Muhibić, ID: 4200166120008; (u daljem tekstu Kupac)

Član 1.

Predmet ovog Ugovora je nabavka namještaja za opremanje prostorija produženog boravka Javne ustanove „Šesta osnovna škola“ Ilidža- Stup i to: cipelar- 2 kom, komoda-1 kom, ormar-1 komad, stol- 1 kom, stolica-12 kom, tabure - 4 kom i ugaona garnitura -1 kom

Član 2.

Ukupna ugovorna vrijednost predmetne nabavke bez uračunatog PDV-a iznosi 3.846,15 KM (slovima: trihiljadeosamstotinačetrdesetšest KM i 15/100), PDV iznosi 653,85 (slovima: šeststotinapedesetri i 85/100), tako da ukupna ugovorna vrijednost sa PDV-om iznosi 4.500,00KM (slovima: četirihiljadepetstotina KM i 00/100).

Član 3.

Prodavac se obavezuje da će robu, koja je predmet ovog ugovora isporučiti jednokratno, prema uslovima iz prihvaćene ponude.

Član 4.

Prodavac se obavezuje da će ugovorene obaveze izvršiti blagovremeno, u ugovorenom roku, stručno i kvalitetno, sve prema dostavljenoj ponudi.

Član 5.

Ukoliko se utvrdi da roba koju Prodavac isporučiti bude imala greške, Prodavac je dužan sve uočene propuste otkloniti u roku od 7 (sedam) dana od dana saznanja za iskazane nedostatke.

Član 6.

Kupac se obavezuje da će izvršiti isplatu ukupnog iznosa iz člana 2. ovog Ugovora u roku od 60 dana, po prijemu fakture za isporučenu robu, ako prilikom primopredaje Kupac nema primjedbi na isporučenu robu.

Prodavac je suglasan da Kupcu neće zaračunavati zateznu kamatu za kašnjenje pri plaćanju preko „Trezora“ ako je Kupac u dogovorenom roku predao nalog za plaćanje, a Prodavac primio uplatu s odgodom od jednog ili više dana od ugovorenog roka iz stava 1. ovog člana.

Član 7.

Ugovor se može raskinuti i prije isteka ugovorenog roka uz obostranu saglasnost. Svaka od ugovornih strana dužna je ispuniti svoje tekuće obaveze u slučaju da dođe do raskida ovog ugovora.

Raskid ugovora se vrši slanjem pisane obavijesti o raskidu drugoj ugovornoj strani, s otkaznim rokom od 30 dana, koji počinje teći od dana prijema pisane obavijesti o raskidu. Pisana obavijest o raskidu mora sadržavati i razloge za raskid ugovora.

U slučaju da bilo koja od ugovornih strana prekrši ili ne ispuni bilo koju ugovornu obavezu, poslije pismene opomene druge strane i u slučaju daljnjeg kršenja ili neispunjenja obaveza, druga strana ima pravo na naknadu štete i raskid ugovora.

Član 8.

Ugovorne strane saglasno utvrđuju da će se dokumenti i informacije vezane za ovaj Ugovor i njegovu realizaciju, kao i dokumenti i informacije vezane za drugu ugovornu stranu i njeno poslovanje koje je jedna ugovorna strana primila ili dobila u bilo koje vrijeme od druge strane na bilo koji način, smatrati poslovnom tajnom i da se kao takva neće otkrivati ili učiniti dostupnim trećim stranama niti koristiti u svrhe koje izlaze izvan okvira izvršenja ovog Ugovora.

Ugovorna strana koja je neovlašteno učinila dostupnim informaciju koja se po ovom Ugovoru smatra povjerljivom, odgovara drugoj ugovornoj strani za time pretrpljenu štetu.

Član 9.

Ugovorne strane će sve eventualne sporove rješavati sporazumno, u duhu dobrih poslovnih odnosa, a u slučaju da ne postignu dogovor za rješavanje spora nadležan je Općinski sud u Sarajevu.

Član 10.

Ovaj ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) istovjetna primjerka, a primjenjuje se od dana njegovog potpisivanja.


Za prodavca

Direktor



Za kupca

Direktor škole



Datum: 16.05.2018.godine